

eman ta zabal zazu



Universidad
del País Vasco

Euskal Herriko
Unibertsitatea



ERAGIN

Irakasleak irakaskuntza-metodologia aktiboetan trebatzeko programa

1. SARRERA

Unibertsitatea aldaketa garrantzitsuak bizi izaten ari da azken urteotan. Aldaketa hauek ekonomia, gizarte eta kultura inguruan errotzen dira eta gizarte industrialetik informazio, ezagutza eta/edo ikaskuntzaren gizarterako trantsizioan kokatzen dira; azken batean, ezagutzeko eta ikasteko gaitasun indibiduala eta kolektiboa funtsezko elementua den gizartean.

Aldaketa sakon hauek, dagoeneko, nabarmenak dira unibertsitateko bizitzan. Hain zuzen ere, ezagutza zientifikoaren ekoizpenaren (ikerketak) eta transmisioaren (irakaskuntza) ardura duen erakundea den aldetik, Europako unibertsitateak antolaketa-erreformaren eskakizunetara (ECTSetara, gradu eta gradu-ondoko berrien egiturara egokitu, irakaskuntza-eskaintzaren liberalizazioa, kontrol deszentralizatuaren forma berrien agerpena) egokitzen hasi dira. Aldi berean, geletako bizitzari eta irakasleen zereginari erasaten dioten aldaketak ere sumatzen dituzte. Unibertsitateko irakasleak dagoeneko ohituta daude hainbat terminorekin, hala nola, gaitasunak, ebaluazio jarraitua, irakaskuntza-modalitateak, etab.; epe motzean, hauek praktikan jartzen hasi beharko dute. Metodologia aktiboak erabiltzeak, zientziaren munduan oso hedatua den iritzi baten arabera, gaitasunetan trebatzeko erronka honi aurre egiten laguntzen du.

Europako eta nazioarteko unibertsitate ugari erabili eta garatu dituzte metodologia aktiboak, eta begi bistako emaitzak lortu dituzte irakaskuntza-ikaskuntza prozesuetan. Metodologia hauek erabiltzearen abantailen artean, hezkuntza-ikerketak alderdi hauek aipatzen ditu:

- Ikaslearen motibazio, interes eta inplikazio handiagoa
- Ikasketak denbora gutxiagoan bukatzen dituzte eta uzte-tasa baxuagoa da
- Eskuratutako ezagutzen atxikipen handiagoa
- Trebetasun eta gaitasun profesionalen garapen handiagoa
- Lotura handiagoa teoriaren eta aplikazioaren artean, aurretiko ezagutzaren eta ikasten ari denaren artean, eta ezagutzen integrazio handiagoa diziplina desberdinen artean

Oro har, metodologia aktibo desberdinek ezaugarri dituzten zenbait alderdi partekatzen dituzte:

- Ikaskuntza-prozesua ikaslearengan zentratua dago eta berak zuzentzen du, irakaslearekiko eta gainerako ikasleekiko etengabeko elkarreraginean
- Ikaslearen aurretiko ezagutzak eta esperientzia pertsonala aintzat hartzen ditu
- Arazo bat edo kasu bat da ikaskuntza-prozesuaren abiapuntua, eta prozesuan zehar galderak egitean jartzen da enfasia, erantzunetan jarri ordez
- Arazoa testuingurua da, eta bertan erlazionatzen eta integratzen dira ebatzi ahal izateko edukiak. Sarritan, diziplina arteko izaera du
- Ikaskuntzaren helburuak norabide desberdinetara zuzendu daitezke, beti ere, ikaskuntza-estrategia zentratzen den gaitasunen arabera (ikasten ikasi, arazoak ebatzi, aztertu, epaiak egin, taldean lan egin, informazioa bilatu, erabakiak hartu, proiektuak zuzendu...)
- Teoria eta praktikaren arteko harremanean ikasten dute ikasleek esperientzia zehatza teoriarekin erlazionatzen

- Helburua zera da, prozesuan ikasitakoak eredugarritasun-izaera edukitzea. Honela, ikasleek gai izan behar dute ezagutza, teoria eta metodoak transferitzeko ikasitako eremutik eremu berrietara edota bere gaiarekin zerikusia dutenetara
- Metodologia honetako ikaskuntza-prozesu gehienak ikasle-taldeetan egiten dira

Metodologia aktiboetan oinarritutako irakaskuntza garatzeak ezagutza zientifikoaren adar batean aditua izatea baino zerbait gehiago eskatzen du; ikasleak bere ikaskuntzan parte har dezan lortzera bideratutako irakaskuntza-gaitasun bereziak garatzea eskatzen du.

Universidad del Pais Vasco/Euskal Herriko Unibertsitateak hausnarketa egin du nola aurre egin erronka hauei IKD hezkuntza-ereduaren esparruan. IKD ereduak inguruan gertatzen denarekiko kontziente eta sentibera diren pertsonak prestatu nahi ditu, etengabeko aldaketetara egokitzeko gai diren pertsonak eta arazo berriei sormenez eta etikoki erantzun ahal izango dietenak.

Bistan denez, hain erronka garrantzitsua ezin da konformatu unibertsitateko hezkuntza irakasleak ikasleari egiten dion informazio-transmisio soil gisa ikustearekin, baizik eta aukerak eman behar ditu ezagutza berria eraikitzeke balioko duen ikaskuntza adierazgarriak. Zentzu honetan, EEESetik etorritako legezko zuzentarauak aitzakia dira XXI. menderako identitate unibertsitarioa garatzeko, *irakaskuntza-ikaskuntza kooperatibo eta dinamikoko IKD ereduak / ikaskuntza kooperatiboa eta dinamikoa*, ikaslearengan zentratua, unibertsitate publiko gisa gure ibilbide historikoari zentzua ematera datorrena, eta ikuspegi hurbil, jarraituago batetik, gaur arte irakaskuntza-prestakuntza eta -berrikuntza alorrean egindako ahalegin guztiak birbideratzen dituenak.

IKD ereduak erlazioa ezartzen du bera gauzatzeko ardura-kidetza duten maila desberdinen artean: curriculumaren garapena, gizarte eta lurralde garapena, garapen profesionala, garapen instituzionala eta hezkuntza aktiboa. Zentzu honetan, ERAGIN programa zuzenean lotuta aurkezten da irakasleen garapen profesionalaren, curriculumaren garapenaren eta hezkuntza aktiboaren ideari, eta bitarteko gisa, garapen instituzionalean eta lurralde- eta gizarte-garapenean.

2009/2010 ikasturtean, ERAGIN programak UPV/EHUko 75 irakasleri eman zien aholkua metodologia aktiboetan oinarritutako irakaskuntzaren diseinu, garapen eta ebaluazioaren inguruan; bereziki, honakoetan oinarritutako estrategietan: Arazoetan Oinarritutako Ikaskuntza (AOI), Kasuaren Metodoa (KM) eta Proiektuetan Oinarritutako Ikaskuntza (POI), Ikaskuntza Kooperatiboarekin batera (IK). Badira beste metodologia aktibo batzuk hauek bezain interesgarri izan daitezkeenak, baina, une honetan, aurrez aipatutakoek dute lehentasuna programa honetarako. Zentzu honetan, azpimarratu behar da ERAGIN ez dela irakaskuntza-praktika aktibo jakinak "akreditatzeko" eta bere zigilua emateko programa. Programaren helburua da aipatutako metodologiaren erabilera sistematiko eta koherentean sakontzea, irakaslearen aurretiko esperientziari irakaskuntza-estrategia eta teknika berriak gehituz, izaera irekiko egoera profesional errealean ebazpenerako ikasketa inductiboagoa eta hurbilagoa erraztuko diotenak. Metodologia aktiboaren ezaugarriak buruzko informazio zabalagoa lortzeko, kontsultatu helbide honetan: <http://www.ehu.es/ehusfera/helaz/>.

Garrantzitsua da adieraztea ERAGIN programak irakasle kopuru murrizta trebatzen duela, prozesuak irauten duen aldia amaitzean gai izan daitezen metodologia aktibo bat praktikoki garatzeko ez ezik, unibertsitateko beste irakasle batzuekin tutoretza egiteko, aholkuak emateko edota haiek trebatzeko ere bai. Ildo honetatik, helburua da parte hartzen duten irakasleak erreferente izatea metodologia aktiboa bere zentroan edo jakintza-arloan erabiltzen, eta etorkizunean bere erabilera gainerako irakasleen artean hedatzen laguntzea. Programa hauen bidez (**ehundu**, FOPU, etab.) metodologia aktiboetan hasteko tailerrak egingo dira; tailer hauek ez dute eskatzen ERAGIN programan parte hartzeak adinako konpromisoa eta dedikazioa.

2. ERAGIN PROGRAMAREN HELBURUAK ETA EMAITZAK

Programa hau Kalitate eta Ikasketa Berrikuntzako Errektoreordetzaren ekimenez garatzen da, Hezkuntzarako Laguntza Zerbitzuaren (HELAZ) zuzendaritza eta antolaketaren menpean, eta funtsezko laguntza ematen dio *ikaskuntza kooperatibo eta dinamikoaren IKD eredia* estimulatze eta babesteko lerro estrategikoari, UPV/EHUren barnean.

ERAGIN programaren bitartez, Kalitate eta Ikasketa Berrikuntzako Errektoreordetzak helburu orokor hauek ditu:

- UPV/EHUko irakasleak trebatu irakaskuntza-metodologia aktiboetan, etorkizunean erreferente izan daitezen bikaintasuneko praktikan estrategia hauetan.
- Prestakuntzan zehar, hausnarketa-jarrera sustatu irakasgaiaren irakaskuntzaren eta gaitasunen garapenaren aurrean, ikerketan eta prozesuen eta emaitzen ebaluazioan oinarrituta.
- Baliabide digitalen zentroa garatzen jarraitu, **ikd baliabideak** (<http://www.ehu.es/es/web/ikdbaliabideak>), erreferente bihur dadin aipatutako hiru metodologiekin egindako irakaskuntza arloko esperientzia berrien dokumentazioan eta hedapenean.
- Eragin zuzena eta adierazgarria izan UPV/EHUko irakasle kopuru garrantzitsuaren esperientzian eta geroz eta ikasle gehiagoren ikaskuntza aktiboan.

Bigarren deialdi honetarako aurreikusitako emaitzak hauek dira:

- UPV/EHUko 75 irakasle trebatu, lurralde aniztasunaren eta jakintza-adarren irizpideei eutsiz.
- Gelako 65 esperientzia gutxienez praktikan jarri metodologia hauekin lan egiteko.
- Material didaktikoak sortu irakaskuntza-metodologia aktiboaren arloan, kanpoko kalitate- eta balioztatze-irizpideekin; eta **ikd baliabideak**-en argitaratu, hurrengo urteetan metodologia-berrikuntzetan sartuko diren irakasleek erabiltzeko eta hobetzeko.

3. PARTE-HARTZAILEAK ETA BALIABIDEAK.

ERAGIN programa burutu ahal izateko, beharrezkoa da bera gauzatzea bermatuko duten hainbat baliabide material eta gizatiar mobilizatzea. Honako hauek dira:

Profilak	Karakterizazioa
Batzorde arduraduna	Organo honen ardura da hautagaiak aukeratzea, etengabeko jarraipena, erreklamazioak, ERAGIN programaren kudeaketa eta ebaluazioa. Batzordea hauek osatzen dute: Kalitate eta Ikasketa Berrikuntzako Errektore-ordea, HELAZeko zuzendaria eta programaren bi koordinatzaileak.
Prestatzaileak eta aholkulariak	UPV/EHUko irakasleak dira edota programan parte hartzen duten beste unibertsitate batzuetakoak.
ERAGINen parte hartzen duten irakasleak	Onartutako irakasleak dira, programan parte hartzen dutenak, bertan aipatzen diren eskubide eta konpromisoekin.

Konpromisoak.

* Irakasle parte-hartzaileak.

1.- Dagokion metodologiako prestakuntza-ikastarora joan eta aktiboki parte hartu.

2.- Metodologia aktiboko proposamena diseinatu bere irakasgairako 2012/2013 ikasturteko lehen edo bigarren lauhilekoan zehar, gradu berrien esparruan. Diseinu-proposamenak irakasgaiko kredituen eta bere ebaluazio-sistemaren %25 gutxienez izan behar du. Diseinu-proposamena bi irakaslek eginez gero, irakasgaiko kredituen %40 izan behar du gutxienez. Proposamenak irakaskuntza-modalitate batzuetako kredituak izan behar ditu, eta ez soilik irakaskuntza-modalitate praktikoak. Diseinuaren garapenerako, bere taldeari egokitutako tutorearen laguntza jasoko du.

3.- Aholkulariaren orientabide eta gomendioei jarraitu, proposamenen diseinuan dagozkien aldaketak gehituz.

4.- Bileretara joan eta bertan parte hartu, aholkulariak eta/edo programaren zuzendaritzak beharrezko jotzen dituen funtzionamendu onerako; halaber, ezarritako lan-egutegia bete behar du. Era berean, inplementazio-aldian gela irekitzeko konpromisoa hartuko du, irakaskuntza-praktika baten behaketa zuzen bat edo bi egin ahal izateko; hauei buruz, berrelikadura eta hobetu daitezkeen alderdiak jasoko ditu.

5.- Bere proposamena inplementatu, ahal izanez gero, 2012-2013 ikasturteko lehen lauhilekoan. Inplementazioan zehar, bere aholkulariaren laguntza jasoko du.

6.- Konpromisoa hartu proposatutako diseinuarekin lortutako irakaskuntzaren eta ikaskuntzaren ebaluazioa egiteko. Prestakuntzako aholkulariaren laguntza jasoko du.

7.- Azken materiala prestatu, tutore-taldeak iradokitako orientabide eta aldaketak sartuta. Azken materiala UPV/EHUren **ikd baliabideak**-eko argitalpen-kontseilura bidali ahal izango da, argitaratzeko egokitasuna baloratzeko.

Behin programa amaituta, ebaluazio positiboa jasotako parte-hartzaileak, beste irakasle batzuk prestatzen laguntzeko hartu ahal izango dira, bai metodologia aktiboetan hasteko etorkizuneko tailerretan parte hartuz, bai berrikuntza-jardunaldietan bere esperientzia hedatuz, edota prestakuntza-programetako beste parte-hartzaile batzuen tutoretzaren bidez. Aldeko posizioa izango dute hezkuntza berrikuntzako proiektuak zuzentzeko UPV/EHU, zehazki, PIE-HBPren deialdian.

* Implikatutako irakasleen departamentuak eta zentroak

ERAGINEk bere IKD konpromisoa ongi burutzeko, beharrezkoa da dagokion maila instituzionaletik (Departamentuak eta Zentroak) bere funtzionamendu onaren alde egitea programa honek adierazten duen terminoetan, eta beste irakasle batzuei ezartzen eta hedatzen laguntzea. Era berean, desiragarria da ERAGIN bat etortzea zentroak **ehundu** programaren barnean hartutako konpromisoekin. Ondorioz, ERAGINEko parte-hartzaileei dagozkien Departamentu eta Zentroek konpromisoa hartuko dute parte-hartzaileen prestakuntzan laguntzeko, inplementazioa errazteko eta baliabide hauek gehitzeko zentroak hartutako curriculumaren garapenerako politika eta planei, bereziki, **ehundu** programaren esparruan.

Zentzu honetan, programan onartua izateko, eskatzailearen Departamentuaren eta kide den Zentroaren onarpena beharko da. Zentro batean onar daitezkeen baino eskaera gehiago egonez gero, Zentroak esan beharko du nork duen lehentasuna prestakuntza jasotzeko, tituluaren curriculum-garapenaren arabera eta **ehundu** programan hartutako konpromisoen arabera. (Ikusi I eta II eranskinak).

* Aholkulariak

Metodologia aktibo bakoitzerako taldeak sortuko dira, eta taldeentzat tutoreak izendatuko dira. Hauek metodologia aktiboko proposamen bakoitza dinamizatzeaz eta parte-hartzaileei laguntzeaz arduratuko dira prozesu honetan zehar.

Aholkulariek funtzio hauek dituzte:

- 1.- Taldeei beharrezko tresnak eman metodologia aktiboko proposamenaren eztabaida eta diseinurako.
- 2.- Taldeek planteatutako zalantzak eta zailtasunak konpondu.
- 3.- Programaren zuzendaritzari jakinarazi sor daitezkeen funtzionamendu-arazoak.
- 4.- Behar diren bilerak egin eta dinamizatu taldearekin.

5.- Programarekin kolaboratu, irakasle-taldeen prestakuntza-prozesurako ideiak eta materialak emanez.

* ERAGINeko batzorde arduraduna.

Prozesuaren azken arduradunak izango dira eta zeregin nagusitzat ERAGIN programaren inplementazio integrala izango dute, prestatzaileei, tutoreei, irakasle parte-hartzaileei eman beharreko laguntza eta, azken batean, programako jardueren egunez eguneko garapena eta kudeaketa barne. Halaber, hauen ardura da parte-hartzaileen ebaluazioa egitea prozesuan zehar eta balizko erreklamazioen kudeaketaren ebaluazioa.

4. FITXA TEKNIKOA

Iraupena	2012ko urtarriletik 2013ko urtarrila/ekainera (inplementazioa 2012-2013 ikasturteko lehen edo bigarren lauhilekoan egitearen, edota ikasturte osoan zehar egitearen arabera)
Prestakuntza-denbora	12 ECTS. Konpromisoak betetzen dituzten eta aldeko ebaluazioa jasotzen duten pertsona guztiak egiaztatuko dira.
Eskainitako plaza kopurua	75
Presentziazko jarduerak emateko tokia	Izen-ematearen eta azpiegitura-aukeren arabera, hiru Campusetako edozeinetan egingo da.
Izaera	Borondatezkoa.
Sarbidea	Unibertsala, baldin eta eskaera gehiegi izaten ez bada; kasu horretan, 6. atalean aipatutako irizpideak aplikatuko dira.
Betebeharrak	Departamentuaren eta Zentroko zuzendaritzaren oniritzia. Metodologia aktiboko proposamena garatu graduko irakasgai baterako.
Konpromisoa	Prestakuntza honen ezaugarriak aintzat hartuta, onartutako pertsonak programan zehaztutako baldintzekin arduratsu izateko konpromisoa hartuko dute.

5. PROGRAMAREN FASEAK.

Eragin PROGRAMA bost faseko prozesutzat ulertzen da. Oro har, jarraian zehaztutako ezaugarriak dituzte, baina metodologia bakoitzari egokituta.

1. Fasea: Hastapeneko tailerrak irakaskuntza-metodologia aktiboetan.

Programan onartutako parte-hartzaileek irakaskuntza-metodologia aktiboetan hasteko hiru tailerretako bat egingo dute: a) Kasuaren Metodoa; b) Arazoetan Oinarritutako Ikaskuntza; c) Proiektuetan Oinarritutako Ikaskuntza. Gainera, hiru metodologietan Ikaskuntza Kooperatiboko jardunaldi bat emango da. Tailer hauek lehen lauhilekoko azterketa garaian egingo dira, egun jarraituetan, 9:30etatik 17:00etara.

Iraupena	2012ko urtarrileko azterketa-garaia
Prestakuntza-denbora	Ikaskuntza Kooperatiboa (IK) eta Kasuaren Metodoa: 24 ordu, 4 egun jarraituetan. IK eta Arazoetan Oinarritutako Ikaskuntza: 24 ordu, 4 egun jarraituetan. IK eta Proiektuetan Oinarritutako Ikaskuntza: 24 ordu, 4 egun jarraituetan. Ikasturte bakoitzeko azken saioan aholkularien izendapena egingo da eta lauhileko lan-plana komentatuko da.
Lan-karga	1 ECTS
Modalitatea	Presentziazko mintegia eta lan pertsonala irakasle adituekin.

2. Fasea: Irakasgaiaren diseinua, metodologia aktiboa eta kasuaren ikerketa, arazoa eta proiektua integratuta.

Bigarren fasean, parte-hartzaileek material didaktikoa egingo dute gutxienez irakasgaiaren %25erako, bertan integratuz aukeratutako metodologia aktiboa.

Zenbaitetan, “arazoa”, hiru metodologietako abiapuntu gisa ulertua, bizitza profesional errealeko egoera bat da, eta aukera bat baino gehiago aurkezten du ebazteko. Pentsa dezagun osasun arloan, zuzenbide arloan, enpresetan, eskoletan, diseinu teknologikoan... aurkitzen ditugun egoeretan. Kasu horietan, irakasleak benetako testuinguruan ikertu eta dokumentatu beharko du ikasleei aurkeztuko dien arazoa, bertan parte hartu dutenak elkarriketatuz eta egiazko datuak emanez, beti ere, egite deontologiko baten mugen barnean. Arazoaren ikerketaz ari garen zentzu honetan, interes bereziko fasea da; izan ere, ikaskuntza inguratzen duen errealitate sozial eta profesionalarekin konektatzeko aukera ematen baitu.

Arazoaren “in situ”ko ikerketa honekin batera, irakasgaiaren diseinuak metodologia aktiboa integratuz, berekin du bilaketa bibliografikoa, materialen elaborazioa, ikaskuntza-jardueren plangintza, eta tresnen eta ebaluazio-irizpideen definizioa.

Iraupena	2012 otsaila-ekaina
Lan-karga	4 ECTS
Modalitatea (otsaila-maiatza)	Lan pertsonala eta/edo talde txikian, Eragineko tutoreak gainbegiratuta. Foro birtual kolaboratzaileak. Presentziazko tutoretzak, beharrezkoa ikusten denean.
Modalitatea (ekaina)	Egindako diseinuak aurkezteko eta hobekuntzak proposatzeko jardunaldia.
Diseinua entregatu	2012ko ekainak 15. Tutoreak, hilabeteko epean, txosten bat egin beharko du egindako lana ebaluatuz, eta irakasleari eta programaren zuzendaritzari bidaliko zaie.

3. Fasea. Proposamenaren implementazioa gelan eta metodologia-proposamenaren kanpoko balioztatzea.

Fase honetan, parte-hartzaile bakoitzak bere diseinua implementatuko du bere irakasgaiaren irakaskuntzan eta lortutako ikaskuntza-emaitzak ebaluatuko ditu. Fase hau modu kolaboratzailean ere garatuko da, implementazioko esperientziak partekatuz tutore baten aholkularitzapean.

Iraupena	2012 Iraila – 20 Urtarrila/Ekaina (egutegiaren eta implementazioaren iraupenaren arabera)
Lan-karga	5 ECTS
Modalitatea (2012 iraila-2013 urtarrila/ekaina)	Lan pertsonala eta/edo talde txikian, ERAGINEko aholkulariaren laguntzaz. Foro birtual kolaboratzaileak. Presentziazko tutoretzak, beharrezkoa ikusten denean.
Modalitatea (2012 iraila-2013 urtarrila/ekaina)	Irakaskuntza praktika bat edo bi behatu eta ondoren kontrastatu. Behaketa honen txostena egingo da.
Ikaskuntza-materiala entregatu, behin esperimentatuta eta berrikusita	2013ko Martxoa/Ekaina. Hilabeteko epean, aholkulariak eta beste ebaluatzaile batek txosten bat egingo dute egindako lana ebaluatuz, eta irakasleari eta programaren zuzendaritzari bidaliko zaie.

4. Fasea. Behin betiko proposamenaren prestaketa eta argitalpena UPV/EHUko baliabideen zentroan hedatzeko.

Behin materiala balioztatuta, ondoen baloratutakoak Baliabideen Zentroan argitaratzeko hautatuko dira.

Iraupena	2013 Martxoa/Iraila (inplementazioa 2013ko lehen edo bigarren hiruhilekoan amaitzearen arabera)
Lan-karga	2 ECTS
Modalitatea (2013 Martxoa/Iraila)	Behin betiko materiala prestatzeko lan pertsonala.

6. ESKAERAK ETA ONARPENA

Programan parte hartzeko eskaera, dokumentu honen bukaeran agertzen diren **eskaera orria** eta I eta II eraskinak bidaliz egin behar da. Eskaera eskaneatuta e-mailez bidaliko da maite.neira@ehu.es helbidera. Gainera, UPV/EHUren edozein erregistro ofizialen bidez tramitatuko da Gipuzkoako SAE_HELAZera: **SAE-HELAZ, Carlos Santamaria Eraikina, Elhuyar 2 Plaza, 20018, Donostia-San Sebastian.**

Eskaerak aurkezteko epea **2011ko azaroaren 18ean** amaituko da.

Programan onartua izateko, parte-hartzaileak bere departamentuaren eta zentroko zuzendaritzaren oniritzia izan behar du. Parte-hartzaileak bere proposamena inplementatu beharko du graduko irakasgai baterako.

Departamentuaren eta Zentroaren oniritzia jasotzen duten orriak eskaerarekin batera aurkeztuko dira (Ikusi I eta II eraskinak).

Eskaerak aurkezteko epea amaitu eta 2 aste igarota, Kalitate eta Ikasketa Berrikuntzako Errektoreordetzak, SAE/HELAZen bidez, e-mailez jakinaraziko die eskatzaileei onartuak izan diren edo ez.

Deialdi honen helburuetako bat irakaskuntza-metodologia aktiboen erabilera zabaltzea izanik eta plaza kopurua 75 dela jakinda, hautaketa-prozesu bat egingo da UPV/EHUko gradu eta zentro multzo osoari erantzuteko. Horretarako, eskaera-kopurua orekatzen ahaleginduko da, batetik, aniztasuna bermatzeko eta, bestetik, erantzuna eman ahal izateko zentroetako prestakuntza beharrei, graduko kudeaketa-planen garapenari, eta **ehundu** programan hartutako konpromisoak betetzen laguntzeko.

Testuinguru instituzionalaz gain, eskatzailearen gaitasun linguistikoak eta aurretiko ibilbide profesionala izango dira kontuan. Arreta berezia eskainiko zaie berrikuntza arloan esperientzia hasi berria duten irakasleen eskaerei. Irakasle berriak prestatzeko HASIBERRIAK programan parte hartzen ari direnak automatikoki sartuko dira ERAGIN programan, eta zentroari dagokion partaideen kopuruan kontatuko dira. Programan lehen aldiz parte hartuko duten irakasleen eskaerek lehentasuna izango dute.

Eskaerak baremo honekin baloratuko dira:

- Euskara jakitea: 15 puntu.
- Ingelesa jakitea: 10 puntu.
- Esperientzia irakaskuntza-berrikuntzan: 15 puntu

- Testuinguru instituzionala: lurralde eta titulazio aniztasuna bermatuko dituen eskaera-kopuruaren arteko oreka, Zentroaren eta Departamentuaren prestakuntza beharrak eta eskatzailearen profila: 60 puntu.

Behar izanez gero, eskaerak partikularki aztertuko dira eskatzaileekin.

Hautaketa ERAGIN programako batzorde arduradunak egingo du.

6. EBALUAZIOA ETA AKREDITAZIOA

Programaren fase bakoitzean, aholkulariek txosten bat egingo dute burututako lanari buruz, balorazio positiboa edo negatiboa adieraziz eta justifikatuz.

Prestakuntza-prozesu osoa erregulartasunez jarraitu duten parte-hartzaileei eta fase bakoitzean balorazio positiboa lortu dutenei, 12 ECTS kredituko (300 ordu) ziurtagiri bat jaulkiko zaie. Era berean, ebaluazio positiboa jaso dutenen artean, egindako material didaktikoa ebaluatuko da, beharbada, **ikd baliabideak** Baliabide Zentroan argitaratzeko.

Eskaera Orria

DATU PERTSONALAK			
Izena:		N.A.N:	
Abizenak:		Adina:	
Departamendua:			
Zentroa:			
Telefona:		E-maila	

Irakaskuntza egoera (ordezkoa, kolaboratzailea, albokoa, agregatua, titularra...) lanaldi osoan edo partzialean:

--

Adierazi ERAGIN esperientzia garatzea aurreikusten den irakasgaia, kurtsoa, lauhilekoa eta titulazioa:

--

Adierazi euskara hizkuntzaren ezagutza:

--

Adierazi ingeles hizkuntzaren ezagutza:

--

Adierazi irakaskuntza-berrikuntza arloko aurretiko esperientzia:

--

Adierazi zein metodologia aktibotan parte hartzeko interesa dagoen (ERAGIN metodologia aktiboen ezaugarriei buruzko informazioa HELAZen web helbidean <http://www.ehu.es/ehusfera/helaz/>):

IK eta Kasuaren Metodoa	
IK eta Arazoetan Oinarritutako Ikaskuntza	
IK eta Proiektuetan Oinarritutako Ikaskuntza	

ESKATZAILEAK KONPROMISOA HARTZEN DU deialdiko 3. atalean aipatutako betebeharrak betetzeko.

Eskatzailearen sinadura

I ERANSKINA: DEPARTAMENTUAREN BERMEA



Universidad del País Vasco Euskal Herriko Unibertsitatea

_____, 2011ko _____-ren ____ a.

Departamentu honek

Bermatu egiten du segidako honek aurkeztutako eskaera

Eragin programan parte hartzeko eta konpromisoa hartzen du honetarako:

- Eskatzailearen parte-hartzea errazteko programaren fase desberdinetan.
- Programako parte-hartzailearen irakaskuntza-kargan gutxienez gradu berrietako irakasgai bat emateko, bertan metodologia aktiboko proposamen bat garatu ahal izan dezan.
- Diseinatzen den metodologia aktiboaren inplementazioa onartzeko, programako deialdian ezartzen diren terminoetan.

Departamentuak bermatzen dituen irakasleen prestakuntza-planaz informazioren bat nahi badu, edo bere beharrak edo lehentasunak jaso daitezzen nahi badu, jarraian adieraz dezake:

Sinadura:
II ERANSKINA: ZENTROAREN BERMEA



Universidad del País Vasco Euskal Herriko Unibertsitatea

_____, 2011ko _____-ren _____ a.

Zentro honek

Bermatu egiten du segidako honek aurkeztutako eskaera

Eragin programan parte hartzeko eta konpromisoa hartzen du honetarako:

- Eskatzailearen parte hartzea errazteko programaren fase desberdinetan.
- Diseinatzen den metodologia aktiboaren inplementazioa onartzeko, programako deialdian ezartzen diren terminoetan.

Zentroak informazioen bat jaso dadin nahi badu bermatzen duen irakaslearen egokitasunaz, kontuan izanda zentroko irakasleen prestakuntzako behar eta lehenetsunak graduaren irakaskuntzaren arabera, edota eskatzailearen potentzialtasuna zentroko erreferente gisa metodologia aktiboa beste irakasle batzuen artean hedatzeko, jarraian adieraz dezake. Bestalde, adierazi ea eskaerak graduko Kalitate Batzordeak sustatutako hobekuntza-planen bati erantzuten dion:

Sinadura: